

---

## Trosolwg

Mae'r safon hon yn ymwneud â dehongli gwybodaeth, mabwysiadu arferion gwaith diogel, iach ac amgylcheddol gyfrifol, dewis deunyddiau, cydrannau a chyfarpar a pharatoi a gosod gorchuddion lloriau pren i greu dyluniadau arbennig mewn sefyllfaoedd domestig a/neu gontract.

Mae'r safon hon ar gyfer pobl sy'n gweithio ym maes galwedigaethol Gorchuddion Lloriau a gall gweithwyr, goruchwylwyr a rheolwyr adeiladu ei defnyddio.

---

## Meini prawf perfformiad

### *Rhaid i chi allu:*

P1 dehongli'r wybodaeth a roddir am y gwaith a'r adnoddau i gadarnhau ei pherthnasedd

P2 cydymffurfio â'r ddeddfwriaeth berthnasol a phenodol a chanllawiau swyddogol i wneud eich gwaith a chynnal arferion gwaith diogel ac iach

P3 dewis faint o adnoddau sydd eu hangen ac ansawdd gofynnol yr adnoddau hynny ar gyfer y dulliau gweithio

P4 cydymffurfio â gweithdrefnau'r sefydliad i leihau'r risg o ddifrod i'r gwaith a'r ardal o'i gwmpas

P5 cydymffurfio â'r wybodaeth a roddir yn y contract i wneud y gwaith yn effeithlon yn unol â'r gofynion

P6 cwblhau'r gwaith o fewn yr amser a neilltuwyd yn unol â'r rhaglen waith

## Gwybodaeth a dealltwriaeth

*Mae angen i chi wybod a deall:*

### Meini Prawf Perfformiad 1

#### Dehongli gwybodaeth

K1 pa weithdrefnau a ddatblygwyd gan y sefydliad i adrodd am **wybodaeth** amhriodol ac **adnoddau** anaddas, yn ogystal â'u cywiro, a sut i'w gweithredu

K2 pa fathau o **wybodaeth** sydd ar gael, beth yw eu ffynhonnell a sut i'w dehongli

K3 beth yw gweithdrefnau'r sefydliad ar gyfer datrys **problemau** â'r **wybodaeth** a pham mae'n bwysig eu dilyn

### Meini Prawf Perfformiad 2

#### Arferion gwaith diogel

K4 faint o **wybodaeth** y mae'n rhaid i weithwyr ei deall i gydymffurfio â'r **ddeddfwriaeth** berthnasol a chyfredol a **chanllawiau swyddogol** a sut i'w chymhwyso

K5 sut y dylid ymateb i **argyfyngau** a phwy ddylai ymateb

K6 beth yw **gweithdrefnau diogelwch** y sefydliad ar gyfer offer, cyfarpar ac eiddo personol

K7 beth yw'r gweithdrefnau ar gyfer adrodd am ddamweiniau a phwy sy'n gyfrifol am wneud hynny

K8 pam, pryd a sut y dylid defnyddio **cyfarpar rheoli iechyd a diogelwch**

K9 sut i weithredu arferion gwaith sy'n amgylcheddol gyfrifol er mwyn cydymffurfio â'r **ddeddfwriaeth** gyfredol a **chanllawiau swyddogol**

### Meini Prawf Perfformiad 3

#### Dewis adnoddau

K10 beth yw nodweddion, ansawdd, defnyddiau, cynaliadwyedd, cyfyngiadau a

diffygion yr **adnoddau** a sut y dylid cywiro diffygion

K11 sut y dylid defnyddio'r **adnoddau** a sut i adrodd am unrhyw **broblemau** sy'n gysylltiedig â nhw

K12 beth yw gweithdrefnau'r sefydliad ar gyfer dewis **adnoddau**, pam y cawsant eu datblygu a sut i'w defnyddio

K13 pa **berylon** sy'n gysylltiedig â'r **adnoddau** a'r **dulliau gweithio** a sut i ddelio â'r rhain

#### **Meini Prawf Perfformiad 4**

##### **Lleihau'r risg o ddifrod**

K14 sut i **ddiogelu gwaith** rhag difrod a phwrpas diogelu

K15 pam y dylid **gwaredu gwastraff** yn ddiogel a sut i wneud hyn

#### **Meini Prawf Perfformiad 5**

##### **Bodloni gofynion y contract**

K16 sut i ymgymryd â **dulliau gweithio** i fodloni'r gofynion a sut i adrodd am **broblemau**

K17 sut i **gynnal a chadw** offer a chyfarpar

#### **Meini Prawf Perfformiad 6**

##### **Amser a neilltuwyd**

K18 beth yw'r **rhaglen** i'r gwaith gael ei wneud o fewn yr amser amcangyfrifedig a neilltuwyd a pham y dylid cadw at derfynau amser

---

## Cwmpas/Ystod cysylltiedig â meini prawf perfformiad

| --- ||

\* \*

### **Meini Prawf Perfformiad 1**

1 dehongli lluniadau, gofynion, amserlenni, datganiadau dull, asesiadau risg a gwybodaeth gweithgynhyrchwyr sy'n gysylltiedig â'r gwaith sydd i'w wneud

### **Meini Prawf Perfformiad 2**

2 osgoi risg drwy gydymffurfio â'r wybodaeth a roddir am y dilynol

2.1 dulliau gweithio

2.2 defnyddio cyfarpar rheoli iechyd a diogelwch yn ddiogel

2.3 defnyddio, storio a thrin deunyddiau'n ddiogel

2.4 defnyddio a storio offer a chyfarpar yn ddiogel

2.5 risgiau penodol i iechyd

### **Meini Prawf Perfformiad 3**

3 dewis adnoddau sy'n gysylltiedig â'ch gwaith eich hun

3.1 deunyddiau, cydrannau a gosodiadau

3.2 offer a chyfarpar

### **Meini Prawf Perfformiad 4**

4 diogelu'r gwaith a'r ardal o'i gwmpas rhag difrod

5 lleihau difrod a chynnal lle gweithio glân

6 gwaredu gwastraff yn unol â'r ddeddfwriaeth gyfredol

### **Meini Prawf Perfformiad 5**

7 dangos sgiliau mesur, marcio allan, uno, lleoli, ffitio, sicrhau, sandio, glanhau, staenio, selio, cwyro, iro, lacro a gorffen

8 defnyddio a chynnal a chadw offer llaw, offer pŵer cludadwy a chyfarpar ategol

9 gosod gorchuddion lloriau pren a'u gorffen mewn ffordd benodol i greu o leiaf un o'r dyluniadau arbennig dilynol mewn sefyllfaoedd domestig a/neu gontract yn unol â'r cyfarwyddiadau gweithio a roddir

9.1 parquet/saethben

9.2 mosaigau

9.3 borderi manwl

9.4 paneli manwl

9.5 motiffau

### **Meini Prawf Perfformiad 6**

10 cwblhau'ch gwaith eich hun o fewn yr amser amcangyfrifedig a neilltuwyd i ddiwallu anghenion galwedigaethau eraill a/neu'r cleient

## Cwmpas/Ystod cysylltiedig â gwybodaeth a dealltwriaeth

| --- ||

### **Gwaredu gwastraff**

1 cyfrifoldebau amgylcheddol, gweithdrefnau'r sefydliad, gwybodaeth gweithgynhyrchwyr, rheoliadau statudol a chanllawiau swyddogol

### **Argyfyngau**

2 ymateb y gweithiwr i sefyllfaoedd yn unol ag awdurdodiad sefydliadol a sgiliau personol

2.1 tanau, gollyngiadau ac anafiadau

2.2 argyfyngau sy'n ymwneud â gweithgareddau galwedigaethol

### **Peryglon**

3 y rhai hynny a nodir drwy asesiad risg, fel rhan o ddull gweithio, yng ngwybodaeth dechnegol gweithgynhyrchwyr ac mewn rheoliadau statudol a chanllawiau swyddogol

### **Cyfarpar rheoli iechyd a diogelwch**

4 y cyfarpar a nodir gan yr egwyddorion diogelu ar gyfer defnydd galwedigaethol, mathau o gyfarpar a phwrpas pob math, sefyllfaoedd gwaith a'r amgylchedd gwaith cyffredinol

4.1 mesurau diogelu ar y cyd

4.2 cyfarpar diogelu personol

4.3 cyfarpar diogelu anadlol

4.4 system awyru a gwacáu leol

### **Gwybodaeth**

5 lluniadau, gofynion, amserlenni, datganiadau dull, asesiadau risg, data electronig, gwybodaeth gweithgynhyrchwyr a rheoliadau cyfredol sy'n ymwneud ag adeiladau

## Deddfwriaeth a chanllawiau swyddogol

6 mae hyn yn ymwneud â chyfrifoldebau'r gweithiwr am ddamweiniau posibl, peryglon i iechyd a'r amgylchedd wrth weithio yn y gweithle, o dan lefel y tir, mewn lleoedd cyfyng, ag offer a chyfarpar ac â deunyddiau a sylweddau ac wrth symud/storio deunyddiau, codi a chario a defnyddio cyfarpar codi mecanyddol

\*\*

Cynnal a chadw\*\*

7 gofal y gweithiwr am offer llaw, offer pŵer cludadwy a chyfarpar ategol

| --- | |

## Dulliau gweithio

8 cymhwyso gwybodaeth i sicrhau arferion, gweithdrefnau a sgiliau gwaith diogel ac iach mewn perthynas â'r dull/maes gwaith a'r deunyddiau a ddefnyddir i

8.1 cadarnhau a sicrhau ei bod yn addas gosod gorchuddion lloriau pren ar arwynebau cefndir mewn sefyllfaoedd domestig a/neu gontract i greu dyluniadau arbennig

8.2 sicrhau bod yr haenau gwaelodol/rhynghaenau addas yn eu lle

8.3 dehongli cynlluniau llawr a throsglwyddo dyluniadau arbennig (parquet/saethben, mosaigau, borderi, paneli a motiffau) i loriau mewn sefyllfaoedd domestig a/neu gontract

8.4 cadarnhau datymau, llinellau, onglau, lefelau, croesliniau a systemau grid

8.5 torri ac uno gorchuddion lloriau pren i greu dyluniadau arbennig (parquet/saethben, mosaigau, borderi, paneli a motiffau) mewn sefyllfaoedd domestig a/neu gontract

8.6 lleoli, gosod a sicrhau gorchuddion lloriau pren yn unol â phwyntiau gosod allan a chyfeirnodau i greu dyluniadau arbennig (parquet/saethben, mosaigau, borderi, paneli

a motiffau) mewn sefyllfaoedd domestig a/neu gontract

8.7 ffurfio chwyddgymalau

8.8 glanhau, sandio, staenio, cwyro, iro a lacro gorchuddion lloriau pren mewn sefyllfaoedd domestig a/neu gontract

8.9 gorffen/selio gorchuddion lloriau pren mewn sefyllfaoedd domestig a/neu gontract

8.10 nodi a oes system wresogi dan y llawr ac ymateb yn briodol i hynny

8.11 nodi, penderfynu a rhoi gwybod pryd mae angen sgiliau a gwybodaeth arbenigol

8.12 nodi gofynion penodol ar gyfer strwythurau o ddiddordeb arbennig, adeiladwaith traddodiadol (cyn 1919) ac arwyddocâd hanesyddol

8.13 defnyddio offer llaw, offer pŵer cludadwy a chyfarpar

9 gwaith tîm a chyfathrebu

10 anghenion galwedigaethau eraill sy'n gysylltiedig â gosod gorchuddion lloriau pren i greu dyluniadau arbennig

| --- | |

## **Problemau**

11 y rhai hynny sy'n codi o wybodaeth, adnoddau a dulliau gweithio

11.1 eich awdurdod eich hun i unioni sefyllfa

11.2 gweithdrefnau adrodd y sefydliad

## **Rhaglen**

12 mathau o siartiau cynnydd, amserlenni ac amseroedd amcangyfrifedig

13 gweithdrefnau'r sefydliad ar gyfer adrodd am amgylchiadau a fydd yn effeithio ar y rhaglen waith

## **Diogelu gwaith**

14 diogelu gwaith rhag difrod a achosir gan weithgareddau cyffredinol yn y gweithle, galwedigaethau eraill a thywydd garw

## **Adnoddau**

15 deunyddiau, cydrannau a chyfarpar mewn perthynas â niferoedd, ansawdd, addasrwydd, meintiau a chynaliadwyedd mathau safonol a/neu arbenigol o

15.1 blociau pren (ffurfiedig ac sy'n cyd-gloi) a gorchuddion lloriau pren

15.2 chwyddgymalau, trothwyon, sgertins, stribedi gorchuddio, ymylon grisiau, byrddau cynnal a deunyddiau diogelu

15.3 adlynon, deunyddiau selio, lacrau, olewau, cwyrâu a staenau

15.4 gosodiadau, ffitiadau a chydrannau cysylltiedig

15.5 offer llaw, offer pŵer cludadwy a chyfarpar

16 dulliau o gyfrifo niferoedd, hyd, arwynebedd a gwastraff sy'n gysylltiedig â'r dull/gweithdrefn ar gyfer gosod gorchuddion lloriau pren i greu dyluniadau arbennig

## **Gweithdrefnau diogelwch**

17 safle, gweithle, cwmni a gweithiwr

<b>Datblygwyd gan</b>	Construction Skills
<b>Dyddiad cymeradwyo</b>	30 Tach 2013
<b>Dyddiad Adolygu Dangosol</b>	30 Tach 2018
<b>Dilysrwydd</b>	Etifeddiaeth
<b>Statws</b>	Gwreiddiol
<b>Sefydliad cychwynnol</b>	CITB
<b>RCU gwreiddiol</b>	COSVR311
<b>Galwedigaethau perthnasol</b>	Llorio a Theilsio Waliau
<b>Cyfres/Set</b>	Galwedigaethau Gorchuddio Lloriau (Adeiladu)
<b>Geiriau Allweddol</b>	Blociau pren; Gorchuddion lloriau pren; Patrymau; Gosod gorchuddion lloriau pren i greu dyluniadau arbennig; Parquet; Saethben; Mosaigau